

جينا لطفوف      نسعى ونطوف  
لرض المحن      ردّ الضعن

\*\*\*\*

گولوا لحاڊينه      يلفي الغاضريه  
بنزور اهالينا      بنسوي العزيه  
منّ اليسر جينه      لسباع المنيه  
وكلمن علا اونينه      دمعاته جريه

نگطع ادروب      والأسى ثوب  
بدمعة شجن      ردّ الضعن

خرّت من الناگه      فرت مالها أشعور  
مشتاگه مشتاگه      زينب ظلت اتدور  
نبضهتا خفاگه      والههم يجري ابحور  
والآهه حرّاگه      منها المدمع يثور

جينا يسباع      گلبي مرتاع  
والله امتحن      ردّ الضعن

جينا لطفوف      نسعى ونطوف  
لرض المحن      رَدِّ الضعن

\*\*\*\*

أهوت على قبره      منها المدمع يسيل  
يا ضنوة الزهره      خويه ونجمة اسهيل  
يللي على الغبره      ظلّ ابليّا تغسيل  
ويللي انهشم ظهره      وسفه بحافر الخيل

خذي وياك      خويه بحماك  
ريت اندفن      رَدِّ الضعن

دگعد يضي روعي      جيتك ويّ لیتام  
تشكي لك اجروعي      منّ الكوفه والشام  
ما يكفي لك نوحی      خويه ولطمة الهام  
ما ينكتم بوعي      تدري بهضم ليّام

ظهري مكسور      جفني موجور  
گلبي انطحن      رَدِّ الضعن

جينا لطفوف      نسعى ونطوف  
لرض المحن      ردّ الضعن

\*\*\*\*

ولگبر أبو فاضل      اتعنت تناجيه  
يا خويه يلكافل      الـ گطعوا أياديه  
جيتك على الهازل      أوجف لعدا توليه  
جسمي صبح ناحل      وطالت لياليه

ضايع الراي      آه يحمای  
جار الزمن      ردّ الضعن

اگعد یبو فزجه      وتلگی الضعینه  
شد مهرك بسرجه      رجّعها المدينه  
حامیها بالمهجه      یا حامی عرينه  
یم گبرک اترجی      بس اتحن علينه

وافي الباس      خويه عباس  
ردنا الوطن      ردّ الضعن